


Glompa

Út er komin ljóðabókin Glompa eftir Torfhildi Hólm Torfadóttur. Þetta er fyrsta ljóðabók Torfhildar og geymir hún brot af kveðskap hennar, en hún hefur samið fjöldann allan af ljóðum, bæði gamanvísum og alvarlegri kveðskap. Í bókinni eru einnig nótur með lögum sem hún hefur samið við ljóð sín.

Torfhildur fæddist á Hóli í Svarfaðardal og ólst upp á Hala í Suðursveit. Hún hóf búskap á Gerði í Suðursveit 1966 og hefur búið þar síðan.


Bókin kostar 1.500 kr. og fæst hjá höfundi (478 1064) og í Kópavogi hjá Bjarndísi (696 7898).



Jöklaveröld

Hér er um að ræða mikið ritverk í ritstjórn Helga Björnssonar jöklafræðings. Bókin skiptist í 11 kafla og er meginviðfangsefnið náttúra Vatnajökuls og mannlíf við rætur hans.

Í bókinni er m.a. fjallað um sambýli Austur-Skaftfellinga við Vatnajökul, kafla um landkosti og landbætur. Þá er gerð grein fyrir loftslagi og jöklabreytingum allt frá landnámi og áhrif veðurfars á efnahag. Kafla um landsig og landrís í Hornafirði af völdum litlu-ísaldar og áhrif á náttúrufar og mannlíf. Gerð er grein fyrir jarðsögu svæðisins og einnig skrif um fornar eldstöðvar við Hornafjörð. Þá er lýst nýjum rannsóknum á landi undir jöklum í Austur-Skaftafellssýslu.



Stjórn félagsins 2003 - 2004

Aðalstjórn	sími	GSM
Skúli Oddsson, formaður	587 1799	864 3415
Ármann Ó Sigurðsson	553 6156	
Guðrún Arnarsdóttir	587 4671	897 6382
Halla Bjarnadóttir	557 6238	862 0044
Fanney Magnúsdóttir		820 2895
Ragnheiður L. Sigjónsdóttir	588 2430	896 7617
Sigurlaug J Sigurðardóttir	588 7273	891 7354

Varastjórn	sími	GSM
Guðrún B Jónsdóttir	587 3315	659 3315
Jón Rafnsson	551 2566	863 3177
Páll Pétursson	515 4515	
Rafn Stefánsson	568 3623	

Skaftfellingabúð

Útleiga Skaftfellingabúðar er í umsjón Ingu Jónu Sigfúsdóttur, s. 863 2087 Og Skúla Oddssonar s. 864 3415.

Netfangasöfnun!

Félagsmenn eru áfram hvattir til að senda netföng sín til stjórnar félagsins á netfangið:

skaftfellingar@simnet.is

MUNIÐ AUGLÝSINGAR
Í DAGBÓKUM DAGBLAÐANNA

Skaftfellingafélagið í Reykjavík óskar félagsmönnum og fjölskyldum þeirra gleðilegra jóla, árs og friðar.

Fréttabréf

Skaftfellingafélagið í Reykjavík • Laugavegi 178 • 105 Reykjavík • Sími 553 9955

4. tbl. desember 2004

Endursendist með upplýsingum um
nýtt pósthfang ef viðtakandi er fluttur

• Aðventustund

12. desember 2004
kl. 16



• Minnisstæð jól

Frásögn
Sigurðar Björnssonar
á Kvískerjum



• Spilakvöld

12. janúar 2005
26. janúar 2005
9. febrúar 2005
23. febrúar 2005



• Íslandsmeistar- mót í Hornafjarðar- manna

28. janúar 2005



• Þorrablót

Hornfirðinga
29. janúar 2005



• Þorrablót Skaftfellinga

22. janúar 2005



• Skálm

Miðvikudaga kl. 19:30
Laugardaga kl. 11:00

Aðventustund

Skaftfellingafélagið og Söngfélag Skaftfellinga standa fyrir aðventustund með kórsöng, upplestri og hljóðfæraleik **sunnudaginn 12. desember 2004** í Skaftfellingabúð, Laugavegi 178 og hefst samkoman kl. 16:00.

Söngfélag Skaftfellinga
flytur jólasöngva

Upplstur

Gengið verður kringum jólatré



Kaffiveitingar

Aðgangur kr. 750 fyrir fullorðna
(Fritt fyrir 17 ára og yngri)

Stjórn Skaftfellingafélagsins hefur ákveðið að fella niður jólatrésskemmtunina að þessu sinni, en hvetur þess í stað félagsmenn til að fjölmenna á aðventustundina.

Spilakvöld

Rangæingafélagið og Skaftfellingafélagið halda áfram uppteknum hætti með sameiginlegum spilakvöldum eftir áramótin. Spiluð verður framsóknarvist í Skaftfellingabúð eftirtalin miðvikudagskvöld kl. 20:00.

Eftir áramót:
12. jan. – 26. jan. – 9. feb. – 23. feb.

Kaffiveitingar. Verð kr. 700.

Þorralót Skaftfellinga

Laugardaginn 22. janúar 2005 er áformað að halda þorralót Skaftfellinga-félagsins. Fyrirkomulag verður nánar aulvst í næsta fréttabréfi.

Þorralót Hornfirðinga

Þorralót Hornfirðinga verður haldið í Félagshéimili Seltjarnarness, laugardaginn 29. janúar 2005.

Þorramaturinn kemur frá Veislunni. Nánari upplýsingar hjá Kristjáni s. 693 7116 (asdis66@internet.is) og Steinari s. 896 1164.

Íslandsmeistaramótið í Hornafjarðarmanna

Undankeppni verður haldin í Skaftfellingabúð, Laugavegi 178, föstudagskvöldið 28. janúar 2005, kl. 20:00.



Skálm

Skálmað verður áfram á...
laugardagsmorgnum kl. 11 (2 klst.)
og á **miðvikudögum kl. 19:30 (1 klst.)**

Skorað er enn og aftur á hressa og spræka Skaftfellinga að reima á sig skóna og ánetjast þessum ágætu gönguferðum í félagsskap Skaftfellinga. Nánari upplýsingar í sínum 891 7354 og 862 0044.

Næstu göngur verða sem hér segir:

- 11.12: Mosfellsbær – v/Þverholt
- 15.12: Miðbær Reykjavíkur – Miðbakki
- 18.12: Heiðmörk – Furulundur
- 22.12: Hafnarfjörður – sundhöll v/Herjólfsgötu

Jólaskálm eftir þörfum.



- 5.1: Hafnarfjörður – Kaplakríki
- 8.1: Garðabær – sundlaug
- 12.1: Ægisíða – Vesturbæjarlaug
- 15.1: Grafarvogur – sundlaug
- 19.1: Kópavogur – Fifan íþróttahús
- 22.1: Arnarnes – sundlaug Garðabæjar
- 26.1: Árbæjarlaug
- 29.1: Grafarvogur – Egilshöll
- 2.2: Hafnarfjörður – v/kirkjugarð
- 5.2: Mosfellsbær – Álafoss
- 9.2: Laugardalur – sundlaug
- 12.2: Heiðmörk–Furulundur

Nú er um að gera að skunda með gömlu skálmunum og þefa uppi bæjarins besta súkkulaði.

Skálm fyrir alla!
....frá fjöru til fjalla



Minnisstæð jól

frásögn Sigurðar Björnssonar á Kvískerjum

„Fara jólin ekki að koma?“ spurði Sigrún, telpa á fimmta ári mómmu sína, þar sem hún sat með börn sín þrjú í baðstofunni í Austurhúsunum í rökkrinu seint á aðfangadag. „Þau koma bráðum“ svaraði hún, en Þorlákur litli, sem kominn var á sjötta ár skynjaði að það var eins og sannfæringarkarftinn vantaði í röddina. Sigjón, sem bara var á öðru ári virtist enga rellu gera sér út af því hvort jólin kæmu þetta kvöld. En móðirin, Jörunn Magnúsdóttir, hugsaði um hvort nokkuð væri hægt að gera til þess að börnin myndu að jólin væru komin.

Hún hafði þvegið þeim og fært þau í bestu fötin á meðan dagsbirtan var það mikil að hún sá vel til og bakad fáeinir lummur en nú var orðið nærri dimmt í baðstofunni þó tunglið lýsti allvel úti, því glugginn var ekki stór. Hún velti fyrir sér hvort hún ætti nú ekki að setja þá litlu lýsislögg sem eftir var, á lampann og kveikja ljós, en þá fengu börnin ekkert lýsi, og hún vissi að þau urðu að fá annað hvort mjólk eða lýsi til að halda heilsu, lýsið hafði hún í bræðing svo börnin hefðu viðbiti. Hún varð því að treina lýsið þangað til kýrin bæri, og það hlaut nú að fara að stytast í það, ef hún stæði þá ekki fram yfir eins og í fyrra.

Hún hafði ekki kveikt ljós alla föstuna og enga mjólk haft, nema hvað nágrannarnir höfðu miðlað henni svolitlu handa Sigjóni. Þetta yrði allt betra að ári, Jón hafði sagt um haustið að þau mættu til að stækka búð og hann hafði ráðið sig í atvinnu austur á einhvern fjöru, það var víst Seyðisfjörður, til að afla tekna og var ekki væntanlegur fyrr en með vorinu. Búð var nú ekki stærra en það að hún gat vel hugsað um það um veturinn, bara að þau hefðu átt svolítið meira lýsi.

Hún leit út um gluggann og sá á fjósakonunum (sjóstjörnunni) að klukkan var að verða sex. Hún gat ekki lesið jólaguðspjallið, en hún gat sagt börnunum frá fæðingu frelsarans. Börnin hlustuðu þögl á það sem hún sagði en svo sagði Þorlákur: „Höfðu þau þá ekki ljós?“ „Það var svo undur skær stjarna sem lýsti þá, svo að þau þurftu ekki að kveikja ljós,“ svaraði Jörunn, en hugsaði svo með sér, ég verð að lofa börnunum að sjá ljós. Hún vissi að Karólína í Kotinu þurfti ekki að spara ljósmetið eins og hún og veðrið var svo gott að börnin myndu bara hafa gott af að ganga smá spöl. Hún tók því Sigjón litla á handlegginn og sagði hinum að koma með sér upp í Kot.

Þegar þangað kom var þeim vel tekið og börnin fengu sinn bollann hvert af mjólk. Það var þó birtan í baðstofunni sem mest heillaði börnin, en þar logaði á lýsislampa og tveim kertum. Þegar þau fóru fékk Karólína þeim kerti svo þau gætu haft ljós hjá sér um kvöldið. En þegar þau komu heim barst hljóð úr fjósinu sem Jörunn þekkti vel, kýrin var að bera. Burðurinn gekk ágætlega og þau Sigrún og Þorlákur hlökkuðu mikið til að fá ábrestur, sem þó varð að bíða næstu daga. En nú var hægt að kveikja bæði á kertinu og lampanum og það ríkti sönn jólagleði í baðstofunni í Austurhúsunum þetta kvöld.



Þessi frásögn er að stofni til það sem Jörunn sagði móður minni af sinni reynslu nokkru fyrir aldamót. Ekki þori ég að fullyrða að allt sé rétt sem þarna er sagt, en þó tel ég mig muna aðalatriðin vel og að þau séu eins og móðir mín sagði mér frá þeim. Frásögn þessi hefur áður birst í Skaftfellingi, 11. árg. 1996.

Gledileg jól